




53261

I Mag. St. Dr.

P

*Kucharski Andrzej. Quaestio metaphysica
de distinctione essentiali ab existentia.*



QVÆSTIO METAPHYSICA.

DE

Distinctione Essentiæ ab Exi-
stentia.

A

M. ANDREA KVCHARSKI

Collega Minore, Preposito ad S. Adalber-
tum in Circulo Cracouiensi.

In Alma Academia Cracouiensi publicè ad disputandum
proposita.

Anno Dñi Millesimo, Sexcentesimo, Quadagesimo
Primo, Mense Iunio, Die

Permissu Magnifici Domini RECTORIS.



CRACOVIAE.

In Officina Typographica Francisci Cesary, Anno Dñi. 1641.

B. 1. 8.

In Stemma perantiqua Domus
SVŁOVIORVM.



53261
L

Bellerephon si nunc, aut Amphytrionius heros,
Lernæis vellet, bella parare feris.
Sulouio insistens antiquæ digmate, Gentis,
Gorgoneo fortis bella pararet equo.
Quisquam hoc commodior victor? quem prælia clamât;
Prostrauisse hostes, impete præcipiti.

*Ioannes Strzyß Eloquentiæ &
Iurisprudentiæ Auditor.*

I L L V S T R I

& Magnifico Domino;

D.

C H R I S T O P H O R O

à Skołyſzyn

S V Ł O W S K I .

Castellano Zarnouień. Marschalco

Serenissimi Poloniæ & Sueciæ Principis

C A S I M I R I .

Domino & Fautori unice colendo.

M. A N D R E A S K V C H A R S K I , S . & P . F .



On minus innata peruetusta Familiae Tuæ
in omnes bonarum literarum cultores hu-
manitas, quàm mediocres ingenij mei vi-
res effecerunt, Illustris & Mag. Dñe; ut
quæ mihi iugis & assidua commentatio
Philosophica peperit, non prius publicam
adorarent lucem, donec sublimibus meritorum Tuorum in
orbe Polono munirentur titulis, & singulari contra quosuis
Philosophici profectus Aristarchos patrocinio munirentur.

A 2

Nam

Nam sicut præsentissima vitæ periculo necesse est peruios
esse illos, qui omni armorum genere excincti, & solius corpo-
ris viribus confisi, cum instructis & nobilibus multarum
palmarum gladiatoribus in certamen descendunt: pari ra-
tione & cum non leuem existimationis suæ iacturam pati,
cui & natura minus celeres ad intelligenda quæuis sublimia
largita est vires, & fortuna, aut casus aliquis aduersus, illu-
stres denegauit patronos. Experti sunt hanc infelicem sor-
tem viri nonnulli (quanquam fuerint in omni eruditionis
genere excellentes,) qui editis in lucem præclaris & vtilibus
generi humano suis lucubrationibus, defectu patrocini, pro
laude ignominiam, pro gratia odium, pro honore cōtemptum,
pro præmio penam reprehensionis, meruerunt. Non appri-
mè operosum esset plurimos etiam ex nostris scriptoribus
scenæ istius choragos in medium adferre, nisi me aliud, &
præsentis instituti ratio auocaret, & Tua insignis erga me
propensio opportunius quiddam aggredi ac perficere suaderet.
Iuuat hoc facere illos, quibus nulla spes promptioris patrocini
assulget, & qui popularis auræ captandæ, non otij in aliquo
honorifico studio collocati, reddendi gratiâ, opellas suas pu-
blicæ proponunt censura: ex quibus ut alterum mirificè ab-
horreo, ita alterum perlibenter amplector. Neq; dubito quin
omnes viso Tuo stemmate gentilitio, benigniorem vultum
sint huic conatui meo declaraturi: ita enim Tua incredibilis
humanitas, & candor plusquàm candidus, omnium in sui
cultum rapit animos, ut vix aliquem eumq; ex maleuolis re-
perias, qui mores antiquioris Lechiæ in te non libenter su-
spiciat, & admiretur. Nam ubicunq; locorum virtus Tua
& dex-

Et dexteritas in rebus agendis enituit, ibidem simul præ-
clara candoris Et humanitatis Tuæ reliquisti monumenta.
Lubet nunc plurimis commilitonibus Tuis gratam refricare
memoriam, quàm benignus semper fueris in pauperes, quàm
alienus ab omnibus etiam iustis exactionibus, quàm rigidus
in eos, qui præter necessitatem alicui colonorum molestiores ex-
titissent. Gloriosius multò existimasti, integritatem Reipu-
blicæ proprio peculio defendere, quàm alieno inhiare. Te-
stantur Et recognoscunt id expeditiones Smolensciana Et Li-
uonica: quæ quamdiu florentissimum Poloniæ Regnum stabit,
tamdiu gloriosam Et iucundam Tui recordationem apud se-
ram posteritatem renouabunt. Nam quisquæ similium merito-
rum æmulator, reputabit secum diligenter, quid ibi egeris,
quàm strenuè cum hostibus dimicaueris, quantum periculi
pro libertate carissimæ Patriæ sustinueris, quàm fidum te
incolumitatis Serenissimorum Sigismundi III. Et VLA-
DISLAI IV. feliciter moderni, Regum Poloniæ, custodem
præstiteris: quorum alter Te iudicio suo grauissimo Et maxi-
mo Senatoriâ dignitate ornauit: alter comitem itineris, Et
negotiorum moderatorem, Serenissimo Principi Casimiro,
dum Viennam Austriæ Metropolim, proficisceretur, ut Se-
renissimam Principem Et Dominam D. Renatam Cæciliam
Archiducissam Austriæ, sanctissimo matrimonij vinculo
sibi copularet, designauit. In quo munere obeundo, quanta
Tua, Illustris Et Magnifice Domine, prudentia Et authori-
tas eluxerit; quanta grauitatis, temperantiæ, pietatis existi-
matio in animis omnium excitata sit; manifestis cunctorum
vocibus comprobatum est. Nemo erat in vniuerso illo tectis-

ſine Nobilitatis Polonæ comitatu, qui te ut conciuē impenſo non proſequeretur ſtudio; nemo, qui ut Senatorem, non ſubmiſſa dignaretur veneratione; nemo, qui ut Parenti, debitū pietatis cultum non præſtaret; nemo, qui ut Præſidem in omnibus ſuis actionibus, non imitaretur. Difficile fuit cognitu, magisne quemlibet illorum intra cancellos modæſtiæ, humanitatis Tux dignitas, an officiij ratio continuerit? Sed de his copioſius ceteri, quorum id muneris eſt, ſeram informabunt poſteritatem: quæ Te conſilio felicem, eloquentiâ grauem, rerum agendarum dexterritate expeditum fuiſſe ſemper prædicabit. Mihi ſuffecerit ſumma tantum capita meritorum Tuorum attigiffe, & reducto aliquantulum velo, tanquam in tabula ſeriem rerum à Te geſtarum reuelâſſe; cum tam breui ſcriptione exactas Tuarum virtutum imagines comprehendere, poſſibile non ſit, quæ tot annorum ſpatio, in animis omnium ſunt exarata. Viuent æternum eximia in Sacratas P. P. Religioſorum Familias egregiæ pietatis Tux monumenta: quas beneficijs ampliffimis foues; ſingulari gratia promoues; illuſtri authoritate tueris ac complecteris. Nunquam obliuiſcentur Tui beneficij Tinecenſe, Bielanenſe, & Staniatecenſe Aſceteria: in quorum bonis, ab iniuſtis poſſeſſoribus vindicandis, talem Te arbitrum præſtitiffi, qualem & zelus Eccleſiæ, & æquitatis ratio expoſcebat. Teſtatus es in eo negotio, pluris apud Te deſcriptam legibus iuſtitiâ, quàm illuſtris generis gratiam valuiſſe. Declarâſti abunde, plus conſcientiæ, quàm amicitie; plus æquitati, quàm alienæ cupiditati, concedendum eſſe. Quare illuſtribus his virtutum meritorumq. Tuorum ornamentis fretus, in Palæſtram

stram Philosophicam progrediar; spei bonæ plenus, me si non
victorem, at certè non usq̃ quaq̃ infelicem Tuis sub auspiciis
athletam, ex ea descensurum. Maiestatem interim diuinam
supplicibus exorabo votis, vt faustam prosperamq̃ efficiat
Tuam incolumitatem; faciat amenam iucundāq̃ senectutem,
vigorem animi corporisq̃ adaugeat; dies deniq̃ serenos &
auspicatos isti ætati, quæ sæpenumerò solet alijs molesta vide-
ri, largiatur. Cracouia in Collegio Minori, Die 26.
Maij. Anno M. DC. XL I.

Q V Æ S T I O D E

D I S T I N C T I O N E E S S E N T I Æ A B E X I S T E N T I A .

V Essentiæ rerum creatarum, de statu possibilitatis ad actuaalem, virtute causarum, tam primæ, quàm secundarum, translatae; supra graduum Metaphysicorum pluralitatem, requirant existentiam; à quâ, ceu res à re, distinguantur; cum illaq; veram efficiant compositionem, nec ne?

C O N G L U S I O I .

ESSentiæ rerum creatarum, de statu possibilitatis ad actuaalem, virtute causarum tam primæ quàm secundarum transferuntur.

COROL.

COROLLARIA.

1. *Productio rerum tam materialium, quam immaterialium presupponit possibilitatem.*
2. *Possibilitas rerum producendarum, denominationem recipit, tam ex causa efficiente, quam materiali, vel quasi materiali.*
3. *Efficientia conferens rebus actualitatem, etiam secundum esse essentie, optimè reuocatur in causam primam, & secundas.*
4. *Ex causis efficientibus, necesse est alias esse tales per essentiam, alias per participationem.*
5. *Antequam res per causam utramq; producantur, licet non sint aliquid in seipsis; contradietorium tamen Entis ab illis est alienum.*

CONCLUSIO II.

Essentie rerum creatarum sunt fundamenta graduum Metaphysicorum sibi subordinatorum.

COROLLARIA:

1. *Ex dictis gradibus, quidam habent se per modum determinabilis; quidam determinatiui.*

B

2.

2. *Gradus determinabiles & determinatiui, sumuntur immediatè à natura specifica, variam considerationem per analogiam ad formã admittente.*
3. *Inter gradus reperitur certus ordo Metaphysicus, quo ita petunt adinuicem vniri; vt non possint alio modo; neq; singuli cum singulis, sed cum determinatis.*
4. *Pluralitas graduum non requirit pluralitatem formarum in composito; quam falso plurimi adstruunt.*
5. *Gradus essendi Metaphysici solâ ratione rationatâ distinguuntur.*

C O N C L U S I O III.

Essentiæ rerum, vt extra causas ponantur, ex vi productionis requirunt existentiam, ceu vltimum suæ perfectionis complementum.

C O R O L L A R I A.

1. *Essentia respectu existentiæ importat potentiam; non puram, sed mediam, inter puram potentiam, & purissimam actualitatem.*
2. *Existentia habet se ad modum actus; qui quidem primus est in ordine actus secundi; respectu essentiæ vltimus.*

3. *Inter essentiam & existentiam mediat subsistentia; cui primo & per se in substantialibus compositis conuenit existentia, & mediante illa essentia.*
4. *Principium quasi materiale existentiae est, ipsa essentia; formale extrinsecum Idea diuina; intrinsecum forma cōcurrens Physicè ad constitutionē rei.*
5. *Existentiae effectus formalis est, ponere rem extra nihil: qui consistit, non in simplici extra causas positione, sed in receptione alicuius ab alio.*

C O N C L U S I O I V.

Inter Essentiam & existentiam interuenit compositio realis vera.

C O R O L L A R I A.

1. *Essentia & existentia sunt extrema realia Metaphysica.*
2. *Existentia supra essentiam addit actualitatem complementem eam ultimātē in ordine Entiū realium.*
3. *Compositionem ex essentia & existentia consequitur unitas, quae neq. sit per se, neq. per accidens.*
4. *Ex compositione essentiae cum existentia, non est necesse resultare tertium, ab utroq. distinctum.*
5. *Compositionem ex essentia & existentia, non consequitur generatio & corruptio, sed recipere & recipi.*

CONCLUSIO V.

Essentia ab existentia in rebus creatis tam materialibus quàm immaterialibus, distinguitur realiter.

COROLLARIA.

1. *In Deo essentiam ab existentia necesse est longè minùs distingui, quàm in rebus creatis.*
2. *Existentia non intrat quidditatem rerum creatarum.*
3. *Existentia rei create, potest suppleri per existentiam entis increati.*
4. *Licet in rebus creatis essentia & existentia realiter differant; non tamen est necesse, ut unà possit ab alio separatim subsistere.*
5. *Accidentibus præter Substantie existentiam, etiam propriam adesse inficiari non possumus.*



Svb felicibus auspicijs Perillustris & Admodum Reuerendi D. IACOBI NAYMANOWIC. I. V. D. Canonici Cracouiën. Archidiaconi Pileceñ. &c. Vniuersitatis Cracouiën. Generalis

R E C T O R I S.



XXV. 12.

Biblioteka Jagiellońska



stdr0016955

